

卷三十三

古蹟第宅園林

器物書畫

卷三十四

古蹟坊表塚墓

卷三十五

古蹟宮觀寺院

臨海縣志稿

第十八冊

臨海縣志稿卷之三十三

古蹟

第宅

屈氏故居 在大固山上屈坦所居舊所稱爲屈家莊者坦字惠

坦晃子仕本郡太守唐武德四年以屈氏故居爲州治祀坦爲

城隍之神

嘉定志

李厥舊居 李厥是茂曾第五子清貞有遠操舊爲江夏世家因

有羸病不肯婚宦少隨兄式渡江嘗居侍中墓下

世說新語

案嘉定志李使君成墓在縣東南一百二十里白楓山南厥舊居亦當在此成乃式之訛厥居州外書曾辨之

顧况所居 况自有臨海所居詩二首

詩云此是昔年征戰地曾經永日絕人行千家寂寂

對流水唯有汀洲春草生此去臨作札溪不見遙樓中望見赤城

樓不知疊嶂重霞裏更有何人度石橋家在雙峯蘭若邊一聲秋

月上青林人未眠天台集

案三詩非指一處第一首不知所指第二首似寓居天台第三首在巾子山題稱臨海指一郡非指一邑也

閻邱逸民故居 在縣東北八十里閻邱山嘉定志昔有逸民閻邱

氏居此故以名山臨海記

張平叔故居 平叔台瓔珞街人在縣東北二百五十步今有祠

嘉定志

郭太尉山居 在大固山下太尉名仲荀字傳師本洛陽人台州外志

紹興中寓臨海台州札記鄭謨過郭傳師太尉山居詩云

山奔馬來一一窗間過無人識故侯得趣貪高臥不愛黃金車
供香火課槍甲久沉埋詩書真頓挫兩國正交兵萬民心應悅

惜功業成更遣聲名
大天台續集別編

吳文叟山居

文叟名應龍世居涌泉有溪出南山下溪有魚千

百頭文叟與之相樂如相知相忘者其父不殺四十年文叟又

不殺懼子孫之或殺而求蘇運爲戒殺文孫應時爲跋其後

湖燭

集蘇運建炎己酉冬自婺女携家至臨海歲首汎舟憩天柱精
舍謁吳君文叟山林感泉石之勝嘆城邑之人沉酣勢利不知山
中之樂也詩云列嶂崢嶸巖植翠屏寒泉綠淨浸軒楹衣巾清潤玻
璃上窗牖疏明圖畫成塵世正趨名利城山居不識鼓鞀聲暮年
憂患將何適暫喜滄浪可濯纓胡世將癸丑三月十日自涌泉
寺過吳文叟山居臨溪觀魚輒題二詩云雲石起爭巖石秀水泉
行帶野花香一山應接知無暇賴有青春白日長偶尋勝賞到山
扉溪影涵暉動翠微正欲臨流看魚樂扁舟甯待夜潮歸謝後
紹興甲寅正月至吳文叟山莊詩云學士奔波方繞枝隱者盤旋
能避時繁紆三徑雜枳棘庇蔭萬木茅茨常時理棹去誠宜先
世卜築無人知高山爲屏開錦繡清泉可鑒惟琉璃主人好客
黨敬賓客來遊鄰里窺有田千畝何所羨遣子一經常自

清流歌考槃須知好爵徒爾繁驅羊拾芥不難取濯纓洗耳應復
思蘇簡訪涌泉吳文叟隱居詩云水繞庭除屋近山居人六月
自清寒平時不起軒裳念此去真輪巖石安書富五車成活計樽
開千日慰艱難徑謀百畝從君隱憑藉林泉寄一簞何流璽吳
氏園詩云傍晚秋暉靜穿松石徑微山川起幽興杖履款高扉白
首偶成趣素懷欣未違故園今草棘飄泊幾時歸天台續集別編

周潤祖隱居 秦不華重建靈溥廟記廟之陽爲紫巖山余同舍

周君潤祖隱居山中

碑文

他哈布哈寓居 忠介公父子兩世居台家龍顧山下龍顧又名

北顧因取以名集兼致京室之思焉

台州外書 忠介有送友還家詩云君向天台去煩

君過我廬可于山下問只在水邊居門外梅應老
窗前竹已疏寄聲諸弟姪老健莫愁予台州札記

朱右舊居 在金鰲山之陽

白雲稿

戚存心舊居 趙永明松楸孝慕圖記云適太夫人國門至余往

信於堂公出圖示曰予家世居嚴嶼自夫茲地規爲城隍陵夷井堙山川爲之改變余先塋在楓山之原幾危者累矣

臨海古蹟記

陳璣故居 陳三石器二元陳氏祠堂記從伯兄紳曾祖翰林檢

討提督江西省學政逸庵先生起家解會樹綽楔三台里因名

二元

臨海古蹟記

楊巷有石屏題曰詩禮傳家後係遷居於此非提

學故里也

陳氏譜

學士巖居 秦華峯尙書嘗讀書白雲山後卽其地爲園林學士

巖居額李中麓書中爲文昌閣有芭蕉洞諸勝陳南衡祠部錫

記之嘉慶丙寅諸庠宿移建文昌閣於華嚴菴地較舊址復上

數十步而西向仍以學士巖居記陷於壁然非尙書故址矣

臨海

古蹟
記

小停雲山館

在巾子山麓芝蔴園街

馮登府記略云臨海洪君筠軒自粵東解組歸於巾子山

下得宋興賢坊舊址葺而新之其地有花木泉石之勝取陶泉明詩意榜曰小停雲山館台州札記

秦魯國長公主賜第

在美德坊州東北一里錢丞相居此故名

吳越國忠獻王錢佐薨其弟倬襲位未幾爲其大將胡進思所

廢時忠懿王俶爲台州刺史進思立之元豐中王之孫暄知台

州其子景臻自郡入都選尙仁宗女是爲秦魯長公主靖康末

狄騎犯闕主避狄南來因遂卜居後數年詔卽州賜第主享之

二十年壽八十六薨於天台其子伯誠居之又二十年官至少

師年亦八十餘少師子卽處和也處和之女又自台州被選爲

王妃去歲處和既爲執政別營甲第南北相望一家盛事常占

此境

揮塵前錄

謝參政府

羅城圖在城悟眞坊前瓔珞街

嘉定志

案謝參政名廓然圖所載卽其府也而台州札記以爲丞相深甫宅誤

謝丞相府

羅城圖在上台坊又大固鄉袁繡里慶元六年葉守

鑑爲謝丞相深甫立以謝丞相居此故名

嘉定志案謝采伯密齋筆記嘉熙庚子

中秋前一日大火余率僕二十人入城救護亡姪寺丞靈樞因略於共樂堂是謝府在城外附近之證今東門外有村稱謝魯王蓋以丞相子渠伯女爲理宗后追封丞相爲魯王故以名村也

許邁宅

縣南鄉蓋竹山有石室晉許邁嘗宅於此舊傳漢末有

陳仲林等四人入此山得道

張志

郝方回宅 郝愔字方回高平人以黃門侍郎爲臨海郡太守在

郡優游簡默後以疾去職築室章安有終焉之志

晉書

葉裕宅 唐殿中侍御史葉裕舊居台城後棄官隱甯海縣之東

倉

府志
省志

鄭虔宅 在城東戶曹巷以唐鄭虔爲戶曹日居此

輿地
紀勝

周待制

月巖買地於府城捏兒坊剏義塾築礎時獲雙硯有款識乃唐
鄭司戶虔故物虔字若齊俗譌爲捏兒今又訛爲釐泥卽戶曹

巷也

輟耕
錄

趙明道宅 明道字伯直晚號老圃負郭卜居手種花卉時節互

秀無日不徜徉其中自適其適旣不事生產祿又不足代耕因

以別畦藝蔬日鬻以助用與物無競超然獨樂以終

攻媿齋集

金賁亨宅

在縣庠右今門前清白承家坊猶存而故址已爲他

族所有

臨海古蹟記

蔡雲程宅

在今白雲山下百花橋側

臨海古蹟記

瀛洲世選坊當其

前後枕白鶴翎田相傳白鶴下其地故尙書自號鶴田

台郡識小

秦鳴夏宅

在舊倉頭街以中允宅得名今則蔓草一畦荒煙半

徑無復能識之矣

臨海古蹟記

鄧棟宅

在大營右俗猶呼爲鄧巷

台郡識小

項思教宅

在今前貢院址及石屏猶存

臨海古蹟記

陳函輝宅

在臘巷口

舊縣志

今稱丹桂連枝

采訪

王宗沐宅 在城南三撫基以其家有三巡撫故名

蔣懋勛宅

在稅務街

臨海古蹟記

蔣襄僖購宅於王敬所侍郎之裔

成券後掃除棟宇見堂扁乃懋勛堂三字事有前定豈偶然哉

台郡識小

秦錫淳宅

在白雲山下百花橋側四壁蕭然舊有白雲樓額卽

錫淳父訓導斑著演極圖說處

台郡識小

竹屋

張汝諧舊居在西鄉湖阜

補志料生金銘之所建在張家渡清亦有竹屋諸

蘭屋

在蘭莊葉見泰故居

見泰自題詩云霜風薄林泉衡門跡如掃賴有楚畹花相看慰幽抱芬芳

發懷袖落日思遠道遠道不可遺歲晏徒自好府志

絳桃書屋

在威果營宋瑱云先大父确山公未第時授徒於此

俗呼宋氏桃園

分年隨筆

陶宏景故廬

在縣西南六十里燈壇觀按舊經云晉陶宏景結

廬於此

嘉定志

雙桂堂

項公望所居王清叔手書扁贈之其年公望與弟英才

並薦於鄉咸以爲瑞徵云

台府外書

清暉堂

在巾子山面江處劉宗孟葛閱僧長古俱有題清暉堂

詩

劉詩云曙光淪紫翠秋氣莫爭青山近嵐同潤堂虛日共生斷霞雲去接夕照月來迎翻想鮫人室珠盤亦讓明葛詩云歸

老雲邊

一翠岑靜中觀動照人心豁湖北上又東去不似青山無

古今

長吉詩云結廬江上栖江雲日爲侶江山相掩映清輝滿

庭戶沙

暝見歸禽潮回聞去櫓落景一簾風殘雲半江雨中餐晚

露葵午坐烹茶乳少室傳花旨南華齊物語隱几頤淵源篆香隨

玉塵愛此坐忘歸東

峯月華吐天台續集

亦愛堂

吳芾有和陳國佐亦愛堂韻

詩云紛紛當世士盡道休官去有墮塵網中誰能復回顧

重爲軒冕惑一念遂差互要當發深省悟此形皆寓奔馳徒擾擾
靜中有奇趣夫子廊廟材華途昔榮遇富貴方迫逐脫身一何遽
蓋恐負初心或爲名所悞獨尋陶淵明三徑歸來處親朋續舊游
寢食安故步詩成月滿窗坐久塵生屨箇中有真樂自足慰遲暮
我方困長途因心識歸路讀公寄傲篇更覺忘世慮有如迷空虛
傾耳聽韶濩念此有限身歲月空復度他時願卜築結茅相近住
如公邁往姿平生已心慕我雖負俗累胸中
無好句偷獲從後塵登高亦能賦湖山集

退老堂

建炎四年呂忠穆徙臨海取少陵窮老真無事江山且

定居之句築堂曰退老

台州外書

堂當在東湖傍與靈江相近

台州札記

李綱汪伯彥張守王絢李邴張澂韓肖胄黃叔敖錢伯言洪擬
李擢胡世將胡舜陟趙思誠李正民胡邃江曾統徐公裕謝升
俊薛弼陳公輔莊綽陳棠鄭望之侯聲老秦梓康執權范寅賓

汪藻綦崇禮成大亨等三十一人俱有詩

天台續集別編

頤浩亦有次

韻詩二首見瀛奎律髓

詩云東郊卜築傍溪流菡萏香中寄小舟脫去簪紳歸畎畝悟來漁釣勝公侯

東郊半隱繞羣峯門外滔滔一水通再歲依樓欣有幸一年遭際歎無功台州札記

資善堂

舊址在城東北白雲山麓宋制皇子未出闔置資善堂

小學教授又有翊善贊讀直講說書等官親王府亦置資善堂

此是錢氏賜第中舊址

台州札記

玉寒堂 在城內北山上大府卿王卿月所構遊適之地

台州外書取

孔德璋移文中語列爲扁榜

樓鑰撰墓誌銘卿月自題詩三首刻柱上詩云春光又過九之一

十日大都三日晴陰晴要是不須問日日爲春來一行客來清話固所欲遇酒草酌庸何傷是非有耳不願聽乞我半日心清涼松成不見種松人借爾相陪見在身歲月暗銷松暗老焉知此地不荆榛天台續集別編

東巖堂 在東湖後山宮右

台州札記 曾豐記略云郎中陳公劃所闢城東數十畝而東西之東所

揭曰小瑤曰生秋曰瓜風曰密露曰齊芳凡五匪亭臺伊軒榭西所揭曰開春曰見笑曰問開曰花嶼曰飲巢曰數紅曰記好曰涉趣曰四友凡九其外則二堂突兀五九右故東曰東巖五之會也西曰勝賞九之會也物不兩大東巖又西勝之會歟公自慶元丁巳已經始於茲未考工且治且享自爲韻語樂章發揮之諸賓客賡音就詠創始別吟又從而推廣之園無遺景景無遺勝卷軸轉至余歲在甲戌矣微音微思殆盡式紬且繹堂爲園不可泥觀園爲山不可常見設也赤城志

陳公名廣壽字

成卿良翰之子

嘉定志

見一堂 在縣東白竹壘

原作竹
忒誤

宋鹿何淡於仕進早歲挂冠取

昔人人人盡道休官去林下何曾見一人之句名堂曰見一其

所居又有止室小東山桂堂雲龕柑隅桃溪月沼星潭三友徑

竹塢梅坡松嶺諸景見樓攻媿集

台州外書 樓有再過鹿伯可詩云又上先生見一堂淡

然賓主兩相忘不知海內清風滿但覺山中白晝長小雨絡林妨
蠟屐靚粧環坐快瑤觴曲終扶杖欲歸去朗詠白駒三四章天台
續集
別編

康吉堂

侍郎王公榜林君詠道之堂曰康吉

吳子良記略曰林君死於布衣無寸

爵以自援智力微矣余友其子逢吉而間過其堂則環顧皆書也
書者義理之會也聖賢淵微古今謨憲進而範俗退而視身取之
書沛如也林君之所以遺逢吉亦逢吉之所以遺其後也余不識
林君而攷諸鄉論信儒者已今逢吉又博而詢古約而通今沖實
內充章采外炫此義理之傳書之澤也夫心恬於義理之謂康不
必其身之老壽家裕於義理之謂吉不必其後之顯榮世以智力
而林君以義理此悲喜之所以異
而屋室之興壞不足論也赤城集

忠清堂

在縣北五十五里大石宋葉治中斗南建堂圯門前神

童坊石柱尙存

慕漪堂

在縣東一百五十里舊名義方今遺址猶存

臨海古蹟記 宋

義士張和孫所居文信國自通州航海至臨海嘗主其家有留

題詩

台州外書 其詩序曰予自海門登岸至城門張氏家蓋國初名將永德之後主人號哲齋闢堂教子扁曰菴漪爲賦八

句詩云義方堂上看窗戶翠玲瓏硯裏雲壇月席間淇水風清聲隨地到直節與天通庭玉森如筍千霄雨露功文文山指南錄

端誠堂

宋楊樵寄嘗取周子通書家人睽復無妄四卦義扁其

堂曰端誠陳古堂爲記

台學源流

瞻節堂

在朝天門外元泰定間郡守趙鳳儀建今廢

謝志

亦名瞻

節亭

夏赤城志

今故址猶存已爲亂塚矣

忠順堂

在縣西松里見後萬卷樓下

孝友堂

陶君忱仲及其子凱俱有孝友之行臨川葛元哲請以

孝友名其堂劉誠意伯爲之記

台州札記